

Қарор ва ижро

ИЖАРА ТАРТИБИ ТАКОМИЛЛАШТИРИЛМОҚДА

Ўзбекистон Республикаси Вазирлар Маҳкамасининг 2009 йил 8 апрелдаги «Давлат мулкни ижарага бериш тартибини такомиллаштириш чора-тадбирлари тўғрисида»ги Қарори ижросини таъминлаш борасида амалга оширилаётган ишларни янада такомиллаштириш масалаларига бағишланган семинар ўтказилди. Тадбир Давлат мулкни бошқариш кўмитаси ташаббуси билан ташкил этилди.

Ахборот бериб ўтилганидек, Давлат мулк кўмитаси ҳозирда мамлакатимизда изчиллик билан олиб борилаётган иқтисодий ислохотларни чуқурлаштириш жараёнида муҳим аҳамият касб этадиган давлат мулкни самарали бошқариш, мулкдорлар, тадбиркор ва ишбилармонлар сафини кенгайтириш борасида самарали фаолият кўрсатмоқда.

Шуни ҳам айтиб ўтиш жоизки, мазкур кўмитанинг жойлардаги марказлари давлат мулкни ижарага беришни ташкил этиш, тушадиган маблағларни ҳисобга олиш ва мониторинг олиб бориш, қайд қилинган мулк бўйича маълумотлар базасини шакллантириш ва юритиш, ижара объектларидан мақсадли фойдаланиш, уларнинг сақланиши, шунингдек ижара тўлови ўз вақтида ва тўлиқ тўланишини назорат қилиш вазифаларини амалга оширади.

Вазирлар Маҳкамасининг тегишли қарорига асосан давлат мулкни ижарага берилиши — бу аввало бюджетга тушадиган маблағ манбаи ҳисобланади. Иккинчидан, давлат мулкдан фойдаланиш жараёни доимий назоратда бўлиб, суиистеъмолчиликнинг олди олинади. Муайян бир ташкилот давлат мулкни тасарруфда бўлиб, бўш турган бинога солиқ ва бошқа тўловларни тўлаши табиий. Агар шу бино ижарага берилса, ташкилот ҳисоб рақамига ижара ҳақининг маълум фоизи келиб тушади. Янги иш бошламоқчи ёки фаолиятини кенгайтирмоқчи бўлган тадбиркор бино ёки бошқа мулкни сотиб олиш имкониятига ҳар доим ҳам эга эмас. Мавжуд қонунчиликдан хабардор ишбилармон эса давлат мулкни сотиб

олишга нисбатан бир неча бор арзон нархда ижарага оلسа, бекор турган мулкдан мақсадли фойдаланилади, аҳолига янги иш ўринлари яратилади. Тегишли меъёрий ҳужжатнинг яна бир аҳамиятли жиҳати шундаки, манфаатдор томонларнинг бурч ва мажбуриятлари қатъий белгиланган шартнома асосида қафолатланади.

2010 йил тўққиз ой ҳолатига кўра, бўш турган майдонларнинг 11 минг гектари бўйича ижара шартномалари имзоланган. Бундан 16 миллиард сўмдан зиёд ижара ҳақи олинган бўлса, тенг ярми бюджетга йўналтирилган. Айни пайтга қадар тижорат мақсадида ишлатилмайдиган, ижарага бериш учун таклиф этилаётган ва фойдаланилмайдиган турган давлат объектлари умумий майдони 452,8 минг квадрат метрни ташкил этмоқда.

Тадбирда сўзга чиққан «BL лазер-оптика» қўшма корхонаси директори Зулфия Мақсудова, «Меридиан-нур мебель» масъулияти чекланган жамияти раҳбари Азимжон Тўйчиев, тадбиркор Ренат Бахтиев ижара марказлари тадбиркорлик фаолияти учун кўмак эканлиги ҳақида ўз фаолиятлари мисолида тўхталиб ўтишди.

Давлат мулкни ижарага олиш ҳамда фаолият бошлаш борасида йўл-йўриқлар, ижарага берувчининг ижарага олувчига мол-мулкни топшириш масаласи, баъзи ечимини кутаётган муаммолар, ижара тўловлари ва бошқа масалалар юзасидан мутахассислар ҳам фикр-мулоҳазалар билдириб ўтишди.

Муҳаббат ҲАБИБУЛЛАЕВА

Азиз ҳамшаҳарлар!

Барчангизни мамлакатимиз

Конституциясининг 18 йиллиги

байрами билан самимий муборакбод этамиз.


Доимо соғ-саломат бўлинг, оилавий

бахт-саодат, тотувлик сизларни асло

тарк этмасин. Асосий Қонунимиз асрлар

оша халқимиз фаровонлиги

йўлида хизмат қилаверсин.



**ЎЗБЕКИСТОН RESPUBLIKASI
ИЛМИЙ-ТЕХНИКАВИЙ ВА ТИББИЁТ
ҲУЖЖАТЛАРИ
МАРКАЗИЙ ДАВЛАТ АРХИВИ ЖАМОАСИ**

Таъкидланганидек, Концепцияда давлат ҳокимияти ва бошқарувини демократлаштириш, суд-ҳуқуқ тизимини, ахборот соҳасини ислоҳ қилиш, сўз эркинлигини таъминлаш, фуқаролик жамияти институтларини ривожлантириш, иқтисодий ислохотларни янада чуқурлаштириш борасида устувор вазифалар белгилашиб, уларни ҳаётга татбиқ этиш механизми ҳам аниқ ва равшан кўрсатиб берилган.

Давра суҳбатиде «Мамлакатимизда ислохотларнинг янги босқичи ва фуқаролик институтлари», «Ахборот соҳасини ислоҳ қилиш, ахборот ва сўз эркинлигини таъминлаш» каби мавзуларда маърузалар тингланди.

Эргаш ХУЖАЕВ

«Соғлом авлод учун» халқаро хайрия жамғармаси Тошкент шаҳар таянч маскани томонидан ҳоимларни жалб қилган ҳолда «Баркамол авлод йили» Давлат дастури ижросини таъминлаш, ёшлар ўртасида соғлом турмуш тарзини тарғиб этиш, кўнгли ўксик, имкониятлари чекланган болажонлар ҳолидан хабар олиш, улорга манзилли мурувват ёрдамлари кўрсатиш борасида кенг кўламли ишлар амалга оширилмоқда.

Саховат

ҒАМХЎРЛИК ИФОДАСИ

Куни кеча олий ўқув юртлари ва коллежлар ҳамкорлигида 2-Мурувват уйи тарбияланувчилари ҳолидан хабар олиниб, улорга совға-саломлар улашилди.

560-«Семурғ» ноғирон болалар реабилитация маркази, 33-ақли заиф болалар мактаб-интернати ва 354-маҳсус мактабгача таълим муассасаси, кўзи ожиз болалар мактаб-интернати тарбияланувчиларига ҳам меҳр кўрсатилди.

Жамғарманинг туман вакиллари томонидан шахримизнинг барча туманлари бўйича жисмоний имконияти чекланган ўсмир-ёшлар ва хотин-қизлар ҳолидан доимий равишда манзилли хабар олинаётди.

Д.ИСМОИЛОВ

Ўзбекистон давлат жисмоний тарбия институтида «Мамлакатимизда демократик ислохотларни янада чуқурлаштириш ва фуқаролик жамиятини ривожлантиришнинг янги босқичи» мавзусида давра суҳбати бўлиб ўтди.

Олий ўқув юртларида

ИСЛОХОТЛАРНИНГ ЯНГИ БОСҚИЧИ

Давра суҳбати мамлакатимиз Президентининг Олий Мажлис Қонунчилик палатаси ва Сенатининг қўшма мажлисидаги «Мамлакатимизда демократик ислохотларни янада чуқурлаштириш ва фуқаролик жамиятини ривожлантиришнинг концепцияси» мавзусидаги

маърузасида белгиланган устувор йўналишлардан келиб чиқадиган долзарб вазифаларга бағишланди.

Тадбирда Олий Мажлис Қонунчилик палатаси депутатлари, институт профессор-ўқитувчилари ва талабалар иштирок этди.

САНОАТ: НАЗАРИЯ ВА АМАЛИЁТ

Абу Райҳон Беруний номидеги Тошкент давлат техника университетида «Саноатни автоматлаштиришда интеллектуал тизимлар» мавзусида олтинчи халқаро анжуман бўлиб ўтди.

Анжуман доирасида Германия, АҚШ, Канада, Россия, Украина, Қозоғистон, Озарбойжон давлатларидан олимлар, профессор-ўқитувчилар, ёш тадқиқотчилар, фундаментал, амалий, инновацион лойиҳалар ва ҳужалик шартномалари доирасида баҳариланган илмий-тадқиқот ишларининг баҳарувчилари, саноат корхоналари вакиллари, иқтидорли талабаларнинг излашлари тақдимоти ўтказилди.

Тадбирда академик Нодирбек Юсупбеков, профессорлар Леонид Соркин, Анатолий Верлань, Фраунгофер институтининг халқаро алоқалар бўйича директори Хуберт Гроссман, академик Тўлқин Бекмуродовнинг «Интеллектуал бошқаришнинг назарий ва амалий ривожлантиришнинг баъзи тенденциялари», «Нефтни қайта ишлаш ва нефть-кимё хижозларда энерготажамкорлик тизимларини қўллаш истиқболлари», «Интеграл тенглалар асосида динамик тизимларини математик моделлаштириш», «Ишлаб чиқаришда харажатларни камайтириш учун энергоменеджмент» каби маърузалари тингланди.

Шунингдек, ТошДУ «Электроника ва автоматика» факультети қошидаги «Honeywell» ўқув марказининг тақдими ҳам ўтказилди. Айтиш керакки, кейинги йилларда техника универ-

ситетининг хорижий илмий тадқиқот муассасалари билан ўзаро ҳамкорлик алоқалари ривожланиши натижаси ўлароқ 2009 йилда «Honeywell process solution» халқаро компанияси билан битим имзоланишига асос бўлди.

Ушбу битимга мувофиқ ТошДУ таркибиде «Honeywell» компанияси жиҳозлари, аппаратлари ва дастурий воситалари билан таъминланган «Honeywell» ўқув маркази ва лабораторияси ташкил этиш назарда тутилган эди. Шунингдек, услубий йўриқномалар билан таъминлаш, ўқитувчилар малакасини ошириш, магистратура ва бакалаврият талабаларининг компания бўлиналарида амалиёт ўтаниши ташкил этиш, битирувчиларни «Honeywell» тизимидеги корхоналарга ишга йўналтириш каби масалалар ҳам назарда тутилган.

Марказда фаолият олиб бориш мақсадида «Ишлаб чиқариш жараёнларини автоматлаштириш» кафедрасининг ўқитувчилари маҳсус курсларда ўқиб, сертификатга эга бўлишди.

Ўқув йили сўнгига қадар марказ ва лаборатория дастурий ва ўқув воситалари ҳамда техник қурилмалари билан тўла жиҳозланиши мўлжалланмоқда.

Ҳасан АБДУНАЗАРОВ

Танловлар

ЙИЛНИНГ ЭНГ ЯХШИ ИХТИРОСИ

Мазкур танлов «Баркамол авлод йили» Давлат дастурида белгилаб берилган ёшларнинг ижодий ва интеллектуал салоҳиятини рўёбга чиқариш учун шароит яратиш, истеъдод соҳибларини илмий фаолиятга жалб этишга доир вазифаларнинг ижросини таъминлашга қаратилганлиги билан эътиборга лойиқдир.

Танловнинг асосий мақсади — энг яхши интеллектуал мулк объектларини аниқлаш йўли билан янги техник лойиҳалар, рақобатбардор маҳсулот яратиш жараёнини фаоллаштириш, саноат мулк соҳасида энг яхши ютуқларни тарғиб этиш, инвестицияларни кенг жалб қилиш, ишлаб чиқариш ва хизмат кўрсатиш соҳаларига истиқболли ишланмаларни татбиқ этишга кўмак бериш, инновацион фаолият аҳамиятини

Мустикаллик йилларида ахборот технологиялари соҳасида эришилган ютуқларни кенг тарғиб этиш, илм-фанни янада ривожлантириш, илмий фаолиятга иқтидорли ёшларни жалб қилиш мақсадида Ўзбекистон Республикаси Давлат патент идораси томонидан Олий ва ўрта маҳсус таълим вазирлиги, Фанлар академияси, «Камолот» ЁИХ, «Тасвирий ойна» ижодий уюшмаси ва «Келажак овози» ёшлар ташаббуслари маркази билан ҳамкорликда «Янги интеллект» — энг яхши интеллектуал мулк объекти учун йиллик танлови эълон қилинганди.

ошириш, ихтирочилик, илмий-техникавий ижодиётни рағбатлантиришдан иборат.

Кўриқда Давлат патент идорасидан муҳофазалаш ҳужжатларини олган интеллектуал мулк объектлари қатнашди.

Куни кеча Ёшлар ижод саройида тантанали равишда мазкур танловнинг якуний натижалари эълон қилинди. 2010 йилнинг «Энг яхши ихтироси», «Энг яхши фойдали модели», «Энг яхши ЭҲМ учун дастур ва маълумотлар базаси» номинацияла-

и.ДИЛШОДОВ

Анжуманлар

БАХТИМИЗ ПОЙДЕВОРИ

В.Успенский номидеги республика ихтисослаштирилган муסיқа академик лицейида «Конституция — бахтимиз пойдевори» республика кўрик-танловининг якуний босқичи бўлиб ўтди.

Ўзбекистон Республикаси Халқ таълими, Адлия вазирликлари, «Тасвирий ойна» ижодий уюшмаси, «Камолот» ёшлар ижтимоий ҳаракати, Бадий академия, «Соғлом авлод учун» халқаро хайрия жамғармаси ва бошқа ташкилотлар ҳамкорлигида ташкил этилган ушбу кўрик-танловнинг якуний босқичи голибларини тақдирлашга бағишланган тадбирда таълим тизими раҳбарлари, ўқуқшунос олимлар, маънавият тарғиботчилари, ҳукувчилар, ўқувчи-ёшлар иштирок этди.

Ўзбекистон Республикаси халқ таълими вазирининг биринчи ўринбосари Б.Дониёров, Республика «Тасвирий ойна» ижодий уюшмаси бошқаруви раиси И.Латипов ва бошқалар Президентимиз Ислам Каримов раҳнамолигида ишлаб чиқилган Конституциямизда ёшларнинг ҳуқуқ ва манфаатларини ҳимоя қилиш, улорга пухта таълим-тарбия бериш тамойиллари қатъий белгилангани баркамол авлод тарбиясида муҳим омил бўлаётганини таъкидлади. Бош Қомусимиз мазмун-моҳиятини ёшлар онгу шуурига етказишда давлатимиз раҳбарининг 2001 йил 4 январда қабул қилинган «Ўзбекистон Республикаси Конституциясини ўрганиши ташкил этиш тўғрисида»ги Фармойиши муҳим дастуриламал бўлмоқда.

Асосий Қонунимиз қабул қилинганининг 18 йиллиги муносабати билан юртимиздаги умумий ўрта таълим мактабларида «Конституция — бахтимиз пойдевори» мавзусида республика кўрик-танлови ўтказилди. Унда мамлакатимиздаги барча умумий ўрта таълим мактабининг ўқувчилари фаол иштирок этди.

Ушбу кўрик-танлов ёшларимизнинг ҳуқуқий билим ва маданиятининг янада юксалишига хизмат қилмоқда. Айни пайтда ижодий беллашув ўқувчиларнинг Бош Қомусимизга доир билимини тобора бойитиш имконини бераётди.

Тасвирий санъат йўналишида Хоразм вилояти Гурлан туманидаги 27-умумий ўрта таълим мактабининг 8-синф ўқувчиси Ойгул Жуманова, иншо йўналишида Тошкент шаҳри Шайхонтоҳур туманидаги 20-умумий ўрта таълим мактабининг 9-синф ўқувчиси Феруза Ҳожиева, видеоориликлар тайёрлаш йўналишида Андижон вилояти Кўргонтепа туманидаги 3-умумий ўрта таълим мактабининг 9-синф ўқувчиси Иброҳимжон Отажонов биринчи ўринга сазовор бўлди.

Назокат УСМОНОВА

ЁШЛАРИМИЗНИНГ ДАДИЛ ҚАДАМИ

Мамлакатимизда баркамол авлодни тарбиялаш билан боғлиқ вазифаларнинг қамрови ва ўлчами жуда кенг. Ўтаётган йилнинг Баркамол авлод деб номланиши ҳам ўзига хос улкан аҳамиятга молик. Муқаддас Ватанимизнинг келажаги бўлмиш ёшларнинг дадил ва шижоатли қадами, тафаккури ва дунёқараши кенгайиб бораётгани, қолаверса, қизиқиши ва интилишлари бунинг исботидир.

«Баркамол авлоднинг ҳуқуқий юксалишида Конституциянинг роли» мавзусида ўтказилган анжуманда шу ҳақда сўз борди.

Тадбирда «Баркамол авлод» Давлат дастури доирасида ички ишларда амалга оширилаётган саъй-ҳаракатлар ҳақида, ёшларнинг ҳуқуқий билимини ошириш, тарбияси оғир ўсмирлар билан олиб борилаётган ишлар хусусида фикр-мулоҳазалар алмашилди.

Сўзга чиққанлар фарзандларимизнинг бахту саодати, иқболли келажаги ва шу билан бирга, тарбия жараёнида олиб борилиши лозим бўлган ишлар, ота-оналар олдидаги асосий вазифалар, ўқув масканларида ўтказилаётган тадбирларнинг аҳамияти ҳақида тўхталиб ўтишди.

Ҳуқуқбузарлик ва жиноятчиликнинг олдини олиш, ёшларни ёт таъсирлардан авайлаш, миллий қадриятларимизга эҳтиром кўрсатиш руҳида тарбиялаш, Ватан муқаддаслиги ҳақидаги тушунчаларини улор онгига сингдириш каби мулоҳазали, мушоҳадага бой фикрлар анжуманнинг янада сермазмун ва қизиқарли чиқишини таъминлаб берди.

ЮРТИМНИ КУЙЛАЙМАН

Мирзо Уллубек туманидаги 493-мактабгача таълим муассасасида ўтказилган «Ватаним Қомуси» мавзусидаги тадбир ҳам Конституция кунига бағишланди.

Унда нафақат болажонлар, балки тарбиячилар ҳам биргаликда турли саҳнавий кўринишлар, Ватан ҳақидаги шеърлар, дилбар ва жозибали рақслардан тузилган байрам концерт дастурида иштирок этишди.

Шунингдек, мамлакатимиз Конституциясининг ўн саккиз йиллигига бағишлаб чизилган расмлар кўргазмаси, «Ватан остондан бошланади» савол-жавоблар викторинаси байрам тадбири мароқли ва мазмунли яқунланишига асос бўлди.

Гулнор САТТОВА

